



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Asisinati Episcopo, & Abbati S. Petri Perusini.

**urn:nbn:de:hbz:466:1-20006**

442 Epistolarum Innocentij III.

verunt ad Cisterciensem ordinem reducendum, & ipsum, cum omnibus abbatibus suis, abbatia Pontiniacensi, praesente ipso G. Pontiniacen. Abbate, in perpetuum submiserunt; & quod ab eis statutum est & decretum, dilectus filius noster P. sanctae Mariae in via lata Diaconus Cardinalis, apostolicae sedis Legatus, sicut nobis per suas litteras innotuit, auctoritate suae legationis postmodum confirmavit. Nos igitur tuis justis postulationibus grato & pio concurrentes assensu, quod ab ipsis iudicibus & praedicto Cardinali provida deliberatione factum est ratum & firmum habentes, auctoritate apostolica confirmamus, & praesentis scripti pagina communimus, statuentes in praedicto monasterio tuo & aliis ei subjectis Cisterciensem ordinem futuris temporibus inviolabiliter observandum, & eadem Pontiniacensi abbatia, sicut est superius praelibatum, perpetuo deinceps fore subjecta. Decernimus ergo &c. confirmationis & constitutionis &c. Datum Laterani X. Kal. Augusti.

*B V R D E G A L E N S I  
Archiepiscopo, Agemensi & Piltaviensi  
Episcopis.*

*Epist. 155.  
De eodem arguimento.*

**I**nter ceteras sollicitudines &c. usque ad verbum fore subjecta. Quocirca fraternitati vestrae per apost. scripta mandamus atque praecipimus quatenus in monasterio Caduniensi & aliis abbatibus quae sunt illi subjectae, sub obedientia Pontiniacensis Abbatis per censuram ecclesiasticam, sublato cujuslibet contradictionis & appellationis obstaculo, Cisterciensem ordinem servari sine refragatione aliqua faciatis. Et quoniam Abbas Faesienensis per Abbatem Gundoniensem & quosdam Cadunienses monachos se in locum antedicti Aimerici Canienensis Abbatis intrusit, & eo cassato, & excommunicatione promulgata tam in ipsum quam in Abbatem Gundoniensem & complices eorum, Geraldus de la Costa Cantor Caduniensem ipsam abbatiam per intrusionem similiter occupavit, qui licet cassatus fuerit auctoritate apostolicae sedis, & cum fautoribus suis excommunicationis vinculo innodatus, saepedicto Aimerico Caduniensi Abbate in corporalem possessionem abbatiae suae reducto, eandem abbatiam per laicalem potentiam adhuc violenter nititur derinere; volumus nihilominus & manda-

mus ut juxta sententiam in eos rationaliter latam faciatis ipsos & universos fautores eorum sicut excommunicatos usque ad condignam satisfactionem ab omnibus arctius evitari. Nullis litteris obstantibus harum tenore tacito. Quod si omnes &c. Datum Laterani VI. Kalendas Augusti.

*ASISINATI EPISCOPO,  
& Abbati S. Petri Perusini.*

**C**um civitatem Perusinam inter alias quae beati Petri juris existunt speciali diligamus affectu, & utilitati Cleri & populi velimus sollicitius immingere, quae inter eos scandalum generant de medio tollere cupimus, & ea fovere per quae pax inter eos valeat conservari. Sanè, sicut ex litteris venerabilis fratris nostri Episcopi & dilectorum filiorum Cleri & populi Perusinorum nobis innotuit, ex discordia illa quae inter I. Archypresbyterum & Hermannum Canonicum est exorta, super eo quod dictus Hermannus intendebat de simonia & dilapidatione praefatum Archypresbyterum accusare, concepto jam & recepto libello rota ferè civitas est commota, & si ea de medio tolleretur, grata inde posset ipsi civitati tranquillitas provenire. Nos ergo praedictorum Episcopi & Cleri & populi precibus inclinati, jamdicto Hermanno, qui, sicut suis nobis litteris intimavit, sponte vult à praefati Archypresbyteri accusatione desistere, abolitionem duximus indulgendam, eum ab observatione nostri iudicii absolventes. Ipsum Archypresbyterum, qui etiam suis litteris purgationem canonicam obrulit, licet ei de rigore canonum septima sui ordinis manus esset purgatio indicenda, tertia manu duntaxat innocentiam suam purgari misericorditer indulgemus super crimine simoniae; ita duntaxat, ut inter eos nullum omnino colludium intercedat: quod utique si foret admissum, gravissimè puniremus. Volentes autem etiam in hac parte praedictis Archypresbytero & Canonico misericordiam exhibere, ne ad nos accedendo fatigentur laboribus & expensis, discretioni vestrae per apostolica scripta mandamus quatenus gratiam eis impensam in publicum proponentes, purgationem ab ipso Archypresbytero, juxta quod praemissum est, publice recipere procuretis: ut ex hoc mala fama

*Epist. 156.  
Vt Archipresbytero purgationem canonicam super simonia indicant.*

quiescat, quæ aures respererat populares. Quia verò dilapidationis vitium, propter enorme damnum Ecclesiæ, remanere nolumus indiscussum; per apostolica vobis scripta mandamus quatenus appellatione remota inquiratis super eo diligentissimè veritatem; & quod inveneritis, vestris nobis litteris intimetis: ut per inquisitionem vestram sufficienter instructi, meliùs procedere valeamus. Datum ut supra.

*ANDREÆ ACHERVNTINO  
Archidiacono.*

**S**acro sancta Romana Ecclesia &c. usque ad verbum suscipimus. Specialiter autem archidiaconatum Acheruntinæ Ecclesiæ, cum omni jure, libertate, ac dignitate, qua ipsum prædecessores tui hæctenus habuisse noscuntur, sicut illum justè possides & quietè, devotioni tuæ auctoritate apostolica confirmamus, & præsentis scripti pagina communimus. Decernimus ergo &c. protectionis & confirmationis &c. Datum Laterani.

*VERONENSI PRESBYTERO  
Capellano sancti Michaëlis de Trovald.*

**E**X parte tua & nobilium virorum Opithingorum & Cadulingorum patronorum Ecclesiæ sancti Michaëlis de Trovald fuit à nobis precum instantia postulatum ut Ecclesiam ipsam, quam Ecclesiæ Romanæ censualem facere volebatis, sub protectione apostolicæ sedis & nostra recipere deberemus. Nos igitur tuis & præmissorum nobilium precibus inclinati, eandem Ecclesiam sub beati Petri & nostra protectione suscipimus, & præsentis scripti pagina communimus. Ad indicium autem hujus ab apostolica sede protectionis obtentæ, Bizantium unus nobis nostrisque successoribus annis singulis persolvetur. Decernimus ergo &c. protectionis &c. Datum Laterani II. Kal. Augusti.

*S V F F R A G A N E I S  
Acheruntinæ Ecclesiæ.*

**Q**uantum honoris & gratiæ vobis in consecratione venerabilis fratris nostri R. Acheruntini Archiepiscopi, & in concessione Pallæ facta eidem, duxerimus exhibendum, vestra, sicut credimus, fraternitas satis intelligit per se ipsam. Non enim in hoc vel utilitatem nostram, vel ipsius Archiepiscopi com-

modum, sed necessitatem Ecclesiæ vestræ duximus potiùs attendendam, cum non modicum obsequiis nostris ex eius absentia, si ad vos accesserit, subtrahatur, & ipse, licet promotus videatur in ordine, in eo tamen intelligitur minoratus, quod à latere matris; circa quam longo tempore laudabiliter deservivit, ad filiæ transfertur amplexus: in qua etsi sollicitudinem exercere debeat pastoralis, non tamen minus ei oneris ex hoc proveniet quàm honoris. Intelligentes autem necessitatem Ecclesiæ Acheruntinæ, quæ communi cum vicinis Ecclesiis gravatur excidio, & bonæ memoriæ . . . quondam Archiepiscopi Acheruntini exilium sola deplorat, redacta in solitudinem, & in diminutionem conversa, quæ priùs commissos sibi populos tam verbo quàm exemplo muniebat pariter & monebat, inter ejusdem regionis Ecclesias inclita quodammodo & præcellens, cum non invenisset consolatorem ex omnibus caris suis, dictum Archiepiscopum, probatum vita, litteratura polentem, honestate præclarum, potentem in opere & sermone, regimini ejus duximus deputandum, subtrahentes non modicum commoditatibus nostris ut ipsius Ecclesiæ possemus necessitatibus subvenire, ac sperantes quòd per salubrem doctrinam ipsius sic in spiritualibus proficiat institutis quòd in temporalibus etiam per accuratam ejus sollicitudinem conualecat. Gratis igitur & humiliter factam vobis gratiam attendentes, ne videamini exhibitæ vobis benignitatis ingrati, fraternitati vestræ per apostolica scripta mandamus atque præcipimus quatenus ad eum, sicut patrem & pastorem vestrum, pium geratis devotionis respectum; & licet propter inclementiam aëris & tempus impacatum obsequiis nostris detentus, nondum ad gerendam ejusdem Ecclesiæ sollicitudinem, ob difficultatem itineris & viarum discrimina fuerit subire permissus, nihilominus tamen procuratorem & officiales ipsius sicut ipsum recipere, ac de universis justitiis eius ipsi curetis plenariè respondere, quoniam auctore Domino vos in proximo visitabit. Sicut enim gratum habebimus, si ei curaveritis in omnibus humiliter & devotè deferre, sic non poterimus æquanimiter sustinere, si inobedientes ei fueritis & rebelles. Datum ut supra.

Epist. 157.  
Ips. archidiaconatum cum omni jure tribuit.

Epist. 158.  
Ecclesiam S. Michaëlis recipit sub protectione apostolica.

Epist. 159.  
Quod ipsorum Archiepiscopi brevi ad ipsos sit venturus, esse Pontifex ille libere cum sumitur.